


瞎堂詩集

何耀光署



第四

PL
2698
.T5
v.4



Digitized by the Internet Archive
in 2010 with funding from
York University Libraries

瞻堂詩集卷十六

仙館藏

番禺天然禪師著

書記今毬編

七言律七

山居十首

紫霄淨成作

百歲光陰大半過
西山消息近如何
石門有路知通塞
空谷無人但嘯歌
三峽小橋黃葉少
五溪流水白雲多
嘗因世上疑天上
縱得長生事轉訛

已辨深山老此身
到來山事又從新
擬安水碓尋溪路
取轉租田替佃人
秋月滿天雲影碎
西風匝地雁聲頻

目前景物隨時得收拾僧房且過春

坐石何年到夜深臨溪松竹已成林一時人事將非昔
萬疊峯巒又是今月影入潭無透路雪花投樹有微音
每當寒到知身老燈暗香殘怯曙襟

虎跡縱橫萬壑陰難辭生客遠相尋傳來世故疑前代
看去人心豈但今風細稻香過淺草日西簷影上高岑
已知寒暑遷流盡更說顏齡雪鬢侵

一般雪色白如綿隨意風吹墮野田萬里飛花誰不愛
千林掩室獨頽然極深斷壑堆難化絕頂孤峯出最先
久住山中冬景好地爐宿火到新年

青帝乘權闢大荒
雪消冰泮石泉長
山花遠近春光徧
岸柳高低風力狂
野鳥不知聲巧拙
曉烟無計色蒼茫
試從簷際偷舒眼
大塊何曾有主張

有客籃輿破早霜
尋僧訪道意偏長
逢人但問葛洪子
覲面難酬粉署郎
衰柳幾時曾淺碧
寒花今日且深黃
青山白水看容易
猿叫陰風送夕陽

萬頃湖光入鏡樓
四窓虛豁水天秋
短牆砌繞圍黃獨
長徑松高映綠疇
山雨欲來封蟻穴
溪風驟至起龍湫
夜長一覺雞初報
再理重衾倚白頭

山居遮莫厭長貧
盡日逢人但任真
雲散密林關不住

泉分遠澗漏還頻
菱荷花發猶當曙
梅蘂香舒未是春
誰道塞鴻南度遠
漸流已到玉門津

歷盡風烟好住山
滿林叢棘不須關
白開高頂松花瘦
紅脫孤崖楓葉閒
倚樹微吟寒始覺
繞空長嘯老成頑
萬峯重疊知深淺
莫守層陰誤鶴還

送倫太守歸里

一帆寒色動邊霜
萬里歸人向夕陽
無意馬嘶芳草白
有情雁叫菊花黃
淵明豈爲思田里
疏廣何曾薄帝鄉
自是此身將隱矣
聊傾滄海濯行藏

倫公備述去志未免有懷再賦二章

百年前後事荒唐業運常遷智者傷客散且羸身易退
位高猶覺世難忘是非何定三人易寵辱同歸一夢長
他時聞道堪朝夕靈鷲尼山兩不妨
黃金難贖東隅失白髮徒增逝水悲學道不辭違世早
成名應畏去官遲潯江沽酒移舟處峽澗探泉坐石時
話盡今宵君且去春花秋葉一相思

送楊以貞文學

久在倫太守幕中
倫罷官與之同歸

亂餘江海一儒生如雪肝腸不世情貧賤只今無鮑叔
死生終古有程嬰一身爲友唯狗誼萬里離家豈近名
月夕風晨知已在升沉誰復問前程

重陽先一日文日送白菊命行者和茗稍覺後時

戲作

明朝九日應無事撫景書懷定有詩且趁此時風日麗
不妨先赴菊花期堂僧喜供霜英早行者慵烹玉液遲
更待登高人興發茗杯山果共追隨

辛酉九日

蕭條人事逢佳節雲淨天高景倍生落帽幾人羞短髮
繁霜空自對寒英愁飄紅葉減山色愛聳青松聽鶴聲
歲歲茱萸看不盡江帆溪月此時情

秋杪偶成

老去臨秋歎往年羅浮丹岫草芊芊餐英自惜籬花晚
落葉空憐梅蘂先指點風光還景物悠揚空闊對山川
遐心一往成宵旦半掩柴關萬壑前

秋杪夜坐

滾滾江流無盡期關關林鳥欲何爲餘生總是艱難日
勝事難追少壯時賴有黃花留歲月無勞萱草解憂疑
遐心一往憑誰問坐落寒更山月移

初冬示玉泉侍者

不信吾宗竟陸沉梅花初綻雪霜侵庚辰已辦終焉計
甲午還尋夙昔心雙樹尚零金柳淚孤桐難續嶧陽音

乘桴浮海誰從我俯仰雲霄可自任

淨成上老父供阻雪十日二首

隔溪有路通幽處望見松門別一天因展先容歸故隱
獨登煖榻戀深禪寒林掃葉煨牛火亂砌尋源引竹泉
雪久地爐生事拙焚香重理雜華篇

雨雪濛濛天地昏指中馬外眼前存遠思幾處未歸客
近對何人可共論浩浩風傳新水碓澼澼砌遶舊蔬園
此時此際成孤賞獨擁寒襟深閉門

送劉別駕莘叟賁捧入京兼寄少司農劉默菴

功曹轉運忽三年話別秋陰山月圓聖母更勞上壽表

故人重寫贈行篇一官盡瘁忘霜鬢萬里關心共雪天
爲問侍郎相憶否亂離去住兩茫然

思過示諸衲

尼山有過幸人知我又何人敢自欺功罪已明應共見
是非終定不須疑蓮花出水非今日柳葉隨風惜往時
一回提起慙何極願汝諸賢自得師

自慰

道衰無侶莫徘徊生死如環任去來兩袖龍鍾人共棄
一雙黑白眼常開先賢鼻孔還華藏後學乖離付劫灰
俯仰只今吾老矣興酣長嘯上高臺

瞻堂詩集 卷十六
歲晏

歲晏今年似去年朔風吹斷雁行偏關心岐路知多日
斫額長空歎暮天白首豈堪同壯志青春終欲遜時賢
簷前積雪千峯曉一盞寒燈夜不眠

早春周贊皇郡丞攜二子並呂胡兩文學見訪

因緣今現宰官身須憶然燈共記人不信三生逢石上
何期千里到溪濱陪歡嘉客豐年玉接武賢郎聖世珍
情洽豈辭歸馬晚雲山從此往來頻

寄雪悟禪師

忻逢空谷竟忘年回首鸞溪在目前閱世暫浮滄海遠

避人終逐草堂偏，凋傷骨肉難爲老。
俯仰雲山只是禪，千里肯同牛糞火。
數行應爲巨靈先。

春日送許逸林明府行取入京

幾年民瘼賴誰求，邑有神君四境休。
百里津梁無斥堠，三春風雨足田疇。
聞自是銓衡事子惠，殊爲閭井憂。
入對更祈陳利病，野人斫額祝安流。

二月醉梅

二月尋梅樹樹空，一株臺畔最玲瓏。
開經雨雪香猶在，看到晴明色較濃。
向人不欲全舒白，止酒何妨稍著紅。
花信過時難入俗，疑醒疑醉付東風。

哭阿字無子二首

珠江絕袂幾傷神
千里歸山尚早春
離合分明今日事
行藏誰定剝塵身
失羣鴻雁高飛急
背水將軍轉戰頻
力盡勢窮還法運
一條直路出風塵

法界何曾有短長
長生路上見參商
餘年頻送春花落
掩室都忘秋葉黃
萬里寒空人寂寂
千峯殘月曉蒼蒼
笙簫妙指無宵晝
却教門庭事更忙

掩關淨成玉泉入
候未見而返次日呈詩卽用其韻答之

幾歲紆迴峽澗東
相隨杖屨日從容
山鶯一任啼朝樹

岸柳何因掩暮峯春露已沾新綠濕夏雲偏指舊谿封
無門有路通霄漢倚立堂階隔萬重

虔州郡丞董昭時南康郡丞周贊皇都閩徐質美
見訪因病掩關不得出迂走筆以謝

並轡尋源訪隱淪千峯依舊可憐春曾陪石上慙知我
未識荊州愧病身暫借溪山爲舉似尚留面目憶前因
解空已到休彈指何待他年再問津

偶作

取信於心何所事穿牛落馬總徒然千波競發隨高下
一豆晴空絕後先看去牡丹春已老移將蓮萼夏初妍

目前生計此些子留與雲山作話傳

劉別駕莘叟入山

劉從都中初歸以齋軸見惠予臥病弗獲展待

萬里王程歸永日紛紛竹馬迂湖東城頭峯出鳥飛外
谷口雲封僧病中深棘舊尋三徑在斷金難隔二人同
尚期把臂秋山早覆我寒襟共朔風

秋夕關中

萬里河山夜不收西風初報井梧秋江豚吹浪雲歸嶽
社燕辭巢月滿樓光景不殊今昔異道心如醉水天浮
關中消息堪長嘯嘯指潯陽沙際鷗

紀夢

有引

壬戌七月二十日夜三更夢慈雲閣上堂閣下有樓失其名所呈法語有綠鴨江三十萬句前後皆忘法侶中數人屈指如某某他年皆同來此云覺後紀之以詩

無端身在碧龍宮俗氣慙登法座隆綠鴨江昇三十萬慈雲閣上最高空梵音直透青霄外衣袖逍遙白日中龍象幾人還有約他年無負與心同

紀夢詩成後再賦一章

寄跡塵寰豈異塵因隨流布幻中真癡心尚有無窮願業運徙遷有限身夢去總皆天上事病來難戀眼前人

但知法界無由入盡此餘生且莫陳

彭少參看白同樂菴道者入山

少參軍功最嚴
將入都講補

萬里王程暫駐鞍峽橋深處足盤桓題名華藏非容易
解組黃虞却較難自是鷄王能擇乳還他雁塔且彈冠
同行況有無爲子塞雪燕雲莫畏寒

關中七月念九日早起

蟬蛄切切動秋聲積雨今朝喜暫晴宿霧頓捐初日淨
曉烟如洗萬峯明鶴離松頂驚巢鳥僧踏溪頭向郡城
閒倚南樓一長嘯不知身世欲何成

中秋病起與諸子玩月二首

萬里湖光夜氣清，病餘秋色倍分明。
青山皓潔看同世，碧漢孤懸最有情。
掩映雲中紆短景，悠揚空外霽長更。
今宵且喜羣英共，不信蘿菴夢幾生。

百年幾度共中秋，回首悲歡付海鷗。
蟾桂不停烏鵲影，川原高舉白雲頭。
寒空遠鑑千峯納，暖席橫吹萬戶侯。
莫倚清貧傲當世，一般晴霽入雙眸。

王昌侯觀察過訪

有客尋僧過峽橋，西風微雨馬蹄驕。
一丘已謝閒名久，三徑忽傳佳氣飄。
青草何嫌臨玉節，綠楊偏欲繫金鑣。
病餘還有清談興，不覺龍鍾白髮饒。

九日同廖吳登雙鏡樓

瑟瑟西風萬竅號危樓盼望意如何百年擔荷歸吾黨
一日承歡喜爾曹髮白不妨人共棄眼青未許嶽爭高
蕭條草木秋將晚珍重鳴陰出九臯

間非影病餘干

頻年添鉢病人間耐盡長途秋未還無限關心勞夢寐
那堪傳語越江山藥爐宿火同人少旅舍新寒獨夜閒
最是迢迢烟路遠相思不覺慙顏顏

秋杪病起得嶺南耗

山齋深掩避新寒爐火初紅夕照殘坐聽天風知雁急

病餘鶴骨見衣寬五嶺招魂無宋玉千峯臥雪有袁安
百情未盡悲何極自覺年來夢已刪

玉泉呈雁字詩

不分氣序却知寒但到西風便入關長幼後先諳物性
縱橫點畫落人間觀窮玄象踪應沒影印空潭榻亦難
斜抹太虛驚絕筆如蟲偶爾莫成頑

塵異獻菊

寂寞秋山百卉殘誰將霜實傍闌干元亮東籬徒酩酊
侏儒玉筍費盤桓把茗共餐知味苦移牀獨對愛香寒
自慙傲骨同幽逸聊作吾門晚節看

題
卷十六
答張文學一首

謝靈運與張文學同入山別後以詩
相贈其意甚厚其詩云

聞名久謝掩青山獨足峯頭指顧間
正訝馬蹄喧石磴忽聞鳥語響柴關
故人茂叔能重到生客敬夫也共攀
流水白雲陪色笑將知塵世有時間

何勞車馬到深山久絕虛名於世間
文章豈貴洛陽紙道德空傳函谷關
入手明珠爭照耀插天岱嶽絕躋攀
從來國士酬知己不信林泉盡日閒

雪中上淨成

一病沉沉夏復秋已將身世等蜉蝣
盤空未盡千峯勢

坐石重看三峽流恩大難酬塵刹願道衰徒負幾人憂
波波揭揭成何事冒雪還應到上頭

壽倫太守

罷官江海得優游更欲翱翔上國遊林麓儘多閒歲月
身心無限可綢繆豪華易盡誰堪託甲子難教再一週
酒醒試思寒夜後光陰如箭雪盈頭

謝君章郡丞入山

攝南康
邵亭

洪都司馬署黃堂地控湖山過石梁松下檐帷紆仄徑
雲中飛蓋掩斜陽白蓮有社慙非主黃獨煨寒笑大方
不棄龍鍾垂顧盼長林豐草儘生光

長至書懷

短景纔添一縷長北風吹雪限津梁寒江想見歸帆影
落日徒嗟去雁行慮重自知成老態道孤誰信爲人忙
朝烟夕霧終何極舉目雲山漫度量

壬戌除夕

雪月霜風歲歲同溪南山北有無中
目前祇是勞生事夢後誰論造化功
送臘梅花寒已徹迎春椒葉氣初融
人間此夕恰如市依舊明朝日出東

送許太守浣月歸養

郡齋如水一閒身拜表辭官爲老親
家有田園堪仰事

船兼琴鶴莫憂貧
山樓看月思玄度
道路攀車借寇恂
歸去庭幃多樂事
板輿佳話又重新

東南雄太守李廷標

回思十載雄州事
軒冕麻衣去住心
寒暑不侵松鶴羽
溪山長隔嶺雲音
一枝深樹翔初集
滿腹洪流飲已深
兩地月明知共照
乘風聊寄白頭吟

癸亥除夕

一歲光陰餘此夕
千門梅柳接新年
人心寂寞同山水
世故推遷有後先
知見欲留徒歎逝
身名如幻惜生前
縱觀衰變誰堪覺
獨抱寒襟問古仙

春日送周贊皇郡丞

周贊捧入都便道爲其公郎畢姻兼攜家同署故中間并

及之

萬里馳驅上表章春風搖曳趁長楊去時望闕從江右
來日攜家出建康京邸鳳雛初比翼湖中雁字欲成行
黃花滿徑頻相待再見千峯話夕陽

尚都統宜芾入山時將構梵殿叨承淨檀賦贈并

謝

久嚙靈山紹祖風先王行業與心同精忠已泐天潢上
法輔長留海嶽中舊沐恩波歸鶴蔭新承祇布壯龍宮
無窮感慨成今昔千舞堯階忻共逢

送文水祖太守持服北歸

望雲日日暗傷神
凶信傳聞倍苦辛
慈母已歸安養國
孤兒痛愴賢勞身
遙知靈炬傳清淚
自著麻衣挹素塵
任是羣氓攀去轍
難留五馬駐通津

病中

解帶蒙頭夜夜同
坐聽寒雨怯霜風
禪心淡泊悲歡外
老景生涯疾病中
休對目前言夢幻
誰當事後說真空
西山消息還遲我
笑殺時人看畫龍

勉衆

一念依違百念生
誰能轉處不留情
須知事夢心非夢

若待因成果已成明鏡當臺毫髮現空華翳目鬼神驚
勸君慎勿隨生滅覆水難收後日名

觀世

按劍自傷投夜意報瓊轉覺願初違千年桃核成溪錦
萬里江津限夕暉柳倚東風隨意拂燕拖春沫認梁歸
細觀物理多宵旦恩怨何妨兩息機

偶作

紙帳今年製始成橫眠倒臥稱閒情涌泉羸我一期得
馬祖輸他廿載平却笑鷓鴣行不得更憐杜宇叫淒清
出頭天上偷彈指劫外安身誰與評

書懷

杜宇啼殘春已歸病羸猶未脫寒衣一雙黑白懸燈悄
十萬雲霄方寸微獨往不知筋力邁冥通應有劫前機
昇遐豈作他生計靜理伽黎對紫薇

寄塵異但侍元

買斷青山長白雲閒栽桃李兩溪分別來樵徑新松竹
憶去籬笆舊見聞佇立不堪人境異遙看空見水天文
誰能千里謀晨夕歸掩柴扉寄與君

秋日移榻上雙鏡樓

誰說仙人好住樓道心如水意如秋窓中十里湖光冷

林外千峯月色幽今夜不教天入夢當時已見海無漚
抱襟獨坐寒更迥白眼碧霄兩不收

中秋

年年秋月年年新獨向高樓照老人河山入鏡懸千像
宮殿如冰映一身生厭豪華成寂寞老於泉石惜風塵
無窮樂事留今夕玉斧休將斲桂輪

秋懷八首

梧井初寒山氣清一時雙眼最分明捲簾却愛窓間瀑
倚杖猶憐霜下英師席謬膺慙祖道佛恩難報愧餘生
誰能無我難爲直白首於人可任情

五陵游俠獵寒原
誰向西颺聽夜猿
老去逢人惟有笑
病來瞑目但無言
道心寂寞秋林遠
世故參差夕鳥喧
睹史何年傳勝事
支那終日閉無門

人事飄搖如敗葉
道懷淒冷對秋山
誰當獨善甘遺世
且趁餘閒暫掩關
因地自惟同廣漠
癡心真欲向人寰
一聲鴻雁清虛上
已覺全身共往還

一從見說虛空講
不覺西山在目前
五色摩尼非數量
一真法性絕中偏
心知已滌身名累
踪跡何妨姓字傳
敢較亮公同與異
孤懷吾欲問皇天

萬頃秋波蘸碧空
朝霞夕照兩玲瓏
遠山如畫填楓葉

聯堂詩集 卷十六
近水微波驚夜龍，借境怡情非有道。
修名絕俗豈真風，脩然獨坐虛窓下。
靜對千峯誰與同。

丹黃濃淡晚山幽，豪富翻憐萬戶侯。
過客聞猿頻下淚，顏齡對菊不知秋。
悲歡久向無心度，景物還同有意留。
說與時人應笑煞，金文已上白雲頭。

秋風入座晚蕭蕭，誰信無心境自銷。
良夜何人敲竹樹，深雲有夢渡河橋。
已知世乏調鷹手，猶自口吹引鳳簫。
但勸相逢須著眼，莫將難易誤晨宵。

劫外安身自不難，深雲一覺夕陽殘。
青山買斷招巢鶴，白晝乘涼倚竹竿。
世事不干塵網盡，佛燈誰續曙襟寒。

生來血性從天植鞭入泥牛入海乾

甲子九日

今年登眺昔年人九日溪山氣轉新病後豈教超有力
定中不信但無身風吹雲散碧霄淨日照霜明萬象真
無影樹棲鴻雁盡蘆花寒水自粼粼

懷山欲監寺

寒月疎星處處同行人應在碧霄中計程暗數千山外
歸日還期九月終夢裏音書傳小子覺來疑慮問長空
天涯一別如蓬斷渭水廬峯望欲窮

淨成卽事

日上高山影漸低萬峯松竹醉如泥下方相視誰同異
上界分劑有覺迷短景易從千劫量遐齡偏與一毫齊
此心知向何人道我自東行汝自西

乙丑初春卽事

守拙佳徒五十年未嘗俯仰向人前訪予攜手談松下
送客扶筇崑澗邊老臥千峯忘貴賤病移深谷廢周旋
自知有過隨雲水不敢逡巡累後賢

樟樹舟中

舜老于今始覺衰備嘗艱險欲何爲穿林渡水三千里
扯纜幫篙十二時急雨翻江紙被濕颼風動地布帆欹

一杯清茗還吾樂身後身前且莫思

過贛州關

衰病支離過贛城巍然雄據拱神京僧衣不稅水雲貴
國法無私官吏平我守先宗違世諦誰貽後學惜身名
鄉關漸近仍爲客且以優游老此生

舟抵南安二首

地盡東南障海門鄉關依舊幾生存人民顧我無相識
財貨如泉各有樊萬古山川同旦夕百年榮落自乾坤
一從度此成衰老回首何年聽夜猿

又是何年度此關白鷗見我往來難江流漁火風烟邈

去國還山天地寬
守道不教心替易
待時真畏夕陽殘
謬膺師席終無二
俯仰乾坤指急湍

度大庾嶺二首

突兀庾關暗曉昕
人從鳥道入高雲
蒿林秋晚新憂隱
車馬駢闐舊見聞
行邁不隨塵鞅後
憑高休作海江分
皇天后土知予意
半畝山田且自耘

萬古宗猷却向東
祖庭艱鉅與誰同
凌空睥睨乾坤外
出岫風雲浩蕩中
守法尚能巢白鶴
從心終不學黃龍
周身已愧非吾道
豈更荒唐問化工

還海雲

人面難爲佛面平兩年尊候得安寧
羸來雙眼碧如水寄去千峯夢亦清
遙覺竹風入座冷近看柳絮傷簷輕
剝塵曠劫非他事海竭河清空有名

病中書懷二首

老來病苦惟能忍一念空知爲後人
到底還他三昧力此時誰問百年身
西風未墮井梧葉沼水猶停菱苳春
天上人間何所有青霄白石月輪新

休將貧病擬袁安雪未填門見亦難
楓葉滿山山色麗鶴翎投樹樹聲寒
清溪老我聽潮上白眼看人到夕殘
道者孤懷渾似雪天風一夜響琅玕

八月初五日示諸子

連年衰病意遲遲短景蕭條却爲誰戶外已驚黃葉墜
牀頭休問菊花期安身有策非今日抱道尋僧惜往時
不是叮嚀長別日黃雲青靄好相思

瞻堂詩集卷十七

番禺天然昰禪師著

書記今毬編

五言絕句

春草二首

野燒千里盡容易雪消時莫以春先綠都忘寒歲知
豈擇托根處苑牆綠易齊芳菲人共見走馬暗長隄

題二仙對酌彈碁圖

有酒須當醉乾坤黑白中行行十九度誰異復誰同

題呂紀畫

聯室詩集 卷一
黃皓貪無已蜘蛛總不知苦瓜一兩顆枯竹兩三枝

題文衡山畫

坐對深山色雲烟千萬重但聞溪水急不見日頭紅

題董玄宰畫

深山數間屋沿溪別路通四望雲烟合移茅思欲窮

題畫

橫肩一柳標滿檐烟霞心逍遙獨何去山水有知音

示一株

臨濟一株樹覆蔭天下人佛法無多子桃花不耐春

示破塵

破塵出經卷徧界露堂堂一步竿頭進無人亦自芳

示洪源

曹溪一滴水千古常涓涓踏斷溪橋看全身在那邊

示光徹

莫作等閒想人身亦最難靈臺猶未雪前路尚漫漫

示何世程

仕也邦爲瑞歸與世作程大雲門下士不愧富公名

示何別傳

教裏分明道誰云別有傳一從微笑後今古競相研

題石琉璃與塵異

誰將新月影來挂寢堂中會見圓明極高懸碧漢空

不憂死四首

吾病不憂死死關大法衰於今行古道舍我其爲誰
吾病不憂死死亦向天歸涅槃隨住處狀似鐵牛機
吾病不憂死本願終不移修供從今始龍天鑑在茲
吾病不憂死本宗慙獨微博嶠終當大斯文誰與歸

七言絕句一

舟次萬安寄劉五文學

辛巳

靚面難逢昔日人灘聲不斷偃溪聞暫移鶴影羅浮瘦
却有雲瓶蚤待君

柳外新月示諸子

壬午博羅芷園

初出銀蟾徧大千尖時圓相尚依然只今笑語垂楊下
多少清光在目前

病起謝馮介臣居士施藥

此身不是金剛體有分時教却看伊得似馮公知藥忌
何妨應病與人醫

送梁未央北上二首

選官選佛但從長曠世因緣且莫量一自幞頭重整後
相期惟有木樨香

日日承恩活計長中丞福祿任商量出門有句爲君道

雪與梅花一樣香

送劉觀復北上二首

君上長安我住山一天風月自忙閒相逢莫論塗中事
得意何妨任往還

出門休訝路行難南北東西盡此間舉棹漸隨寒影遠
却疑烟月在波瀾

雙谿探梅

山色泉聲鏡裏殊我來梅下意全孤時人看此渾如夢
千古空傳遮一株

丁普益居士有住山意訂之以詩

野人祇合居巖壑正擬誅茅樂大年聞子亦能同此意
却誇吾道有真傳

邵武道中憶華首老人

澄潭孤月自姍姍永夜無人照影寒親憶吾師真面目
回頭祇在剎那間

延平舟中三首

癸未

滿目風光祇自知明霞濯濯秋江滑無端嘹亂來孤雁
不覺隨聲下釣磯

永夜沉沉古渡頭閒雲流水一時休曉鐘忽報舟人起
昨日溪山又在眸

白蘋紅蓼夾江流
鳥語泉聲日未休
收拾不來春夢斷
碧潭空界夜光浮

贈方閩賓居士

文人慧業獨翩翩
一任生天在我前
具眼有人塵外鑑
相期猶此待因緣

示翁子鄭居士二首

會得日用事無別
何妨嫁女又婚男
請看直下團團處
莫被無生兩字瞞

治生產業不相違
湖海江山直捷時
盡道長安風物盛
不知身已在皇畿

刻訶林語錄謝諸檀越二首

文彩纔彰音信通
多君端的辨來風
須知熊耳山頭事
不在楞伽四卷中

四十九年一字無
如何野老却叨叨
垂鈞千尺深潭意
極目清波憶巨鰲

留別何非衣

順昌

蓋世勳名今日夢
一丘泉石古人心
羌峯衣鉢依然在
莫把儒冠老此生

還嶺南汀州道中憶老父

六十翁翁心似鐵
知恩無路解酬恩
還家本是兒孫事

祖父元來不出門

汀州道中憶老母

翫月遊山白晝過是誰清夢到烟蘿
空勞慈母頻招手
蕩子回頭不顧家

勉袁調公居士

甲申

儒門澹泊難收拾此日撐持未有人
修道却從戒慎始
覩聞斷處鐵花新

初春避客歸龍三首

深山春入盡陽回日暖梨花一半開
二十年來舊遊處
不因惆悵亦徘徊

曾因避客來山上今在山中喜客過祇爲到來俱不俗
一簾風雨落花多

一箇閒身處處家錯將雲影作梅花數聲山色回春夢
坐對松窓愛晚霞

楊觀者居士引其子來叅二首

乙酉

緇素從來一道存異同黑白但名言木樨香處吾無隱
大事何曾負孔門

父子同叅事亦奇欣逢恰在觀星時一堂冷澹僧和俗
面面相看知未知

示周聞湛居士

晚年學道莫徘徊
閱盡繁華冷似灰
趺坐禪帷香煖處
一聲霹靂夢初回

示周無隱居士

千古文章慧業人
木樨香遍萬山春
孔門雖有真衣鉢
爭較山僧聞更親

頂湖棲壑律師六十一

六十年來老道翁
頂湖山裏信難通
暫隨花鳥頻斫額
目斷雲林萬象中

寄河源陳大受居士

去年此日識君面
此日今年却憶君
處處桃花皆似夢

分明持贈一枝春

題繡芙蓉石榴

芙蓉如面石榴裙
錦悅金針特地真
若作目前境物會
拈花辜負昔時人

書梁永祚扇頭二首

丙戌

一池寒雨滴殘荷
望裏雲山涕淚多
此道尚能支病骨
逢人談笑小橋過

十載三朝野衲身
隨緣拓鉢未嫌貧
猶餘閒日觀雲樹
倚杖逍遙畫裏人

題南院顒和尚真

一條柳栗活如龍水盡山窮特地通法乳千年流不竭
無師真智古今同

復熊魚山內閣呈偈

諱開元
楚人

山頭花鳥澗邊人松韻長吟石作鄰檀越近遺新脫粟
今年不似去年貧

又復熊內閣

目斷雲林朝復朝名花珍重待多嬌從敎院主看鬚墮
爲愛寒銷把佛燒

寄熊內閣齊雲山中

富貴功名夢裏人誰知苦樂正相鄰回頭大有甘心處

須信身貧道未貧

入齊雲

深山高臥白雲屯
閒聽林鶯盡日喧
不爲癡呆寧有此
肝腸空向石頭論

樵山聞亂

誰家年少覓封侯
待得功成萬骨丘
何似山僧癡拙好
峯頭七十恣閒遊

書烏石巖乞米冊

烏巖有約足禪棲
海市蜃樓路不迷
爲問松花曾幾樹
法輪未轉鉢先攜

贈金宇臧

浙江

東西南北路行難閱盡興亡影獨看回首倚門春夢怯
一池明月藕花寒

金太史正希殉義

諱聲南
直人

頭目髓腦君甘捨山河日月淚難乾可憐石上三生話
回首歸宗夢裏看

黃司李元公殉義

諱端伯
江西人

品行文章第一人曾隨佳嶽憶前身分明學到無生處
博得浮名答舊因

悼丁普益居士二首

十二年來愧道交相從曾約共誅茅于今撒手歸何處
月在高林照石巢

十二年來愧道交相從曾約共誅茅誰知道路多巖嶮
不在高林在石巢

樵山答洗文學二首

丁亥

不是桃源不是秦東西南北盡斯人一條柳標閒來往
綠水青山雲外分

蒙頭破衲樂山隅物外無人但索居一局未終柯已爛
肯將閒事賺須臾

樵山新篁吟贈同菴道者

新篁林下勢凌霄雪幹霜筠未可驕枝葉何曾輕一放
分明高出萬千條

樵山新篁吟寄若雲道者

透地新篁韻自深籬邊須費護持心雖然猶在綠陰下
一日出頭風滿林

答同菴上壽

大科環翠擁諸峯占盡樵山萬樹松誰信諸峯皆若此
灼然親到有孤筇

示程雪池居士

六月雪花飛滿地蘸人肌骨透羅帷金鱗未遇江湖闊

好趁秋風理釣絲

贈童居士

浙江

千里離家但一身
鎖鑰橫按未全貧
空門能洗英雄恨
只爲高堂尚有人

示龐若雲居士二首

下得牀來事萬千
日長倦去帶衣眠
分明好箇真生活
却倩傷人爲汝憐

千生萬劫未曾乖
癡愛因循枉自埋
豎起丈夫睂目看
聰明一副孰安排

贈韓瓊山

揚州

贈堂詩集 卷十七
曾受靈山付囑來百千方便一門開英雄出入非凡測
惟有慈心不可回

復梁同菴龐若雲兩居士

恍惚百年容易盡尚存一刻豈徒然與君今日爲期約
莫是三生石上緣

示梁同菴居士

天地萬物本同根銀波雪浪月無痕頂門放出摩醯眼
一顆明珠落玉盤

贈梁樸臣居士言結道緣

夙世曾將今世盟從來難弟自難兄無生有話大家事

正好團圓洽道情

喆喬禪人之歿也欲弔不果詩以哀之

卽梁漸子

雲烟縹渺暗雙林一望踟躕淚滿襟我也不曾道生死終教難免扣門心

丁亥臘盡臺設禪人乞詩

寒夜月明雲外賞枯椿紅綻臘前知披衣穩坐三冬足桃李成蹊應有時

示非二禪人

戊子

同住同行六十年曾隨清夢到林泉不知身在雲山裏却指前峯峯又前

題如來雪山像

寥寥劫外絕知音
流水高山韻獨深
半面嬌娥君自委
多情不欲盡披襟

詠鏡示諸子二首

面目分明不是他
光輝常滿隱朝霞
當臺影落無人處
夜半流鶯到碧紗

見頭狂走實堪憐
盡日東西影裏旋
珍重顏容須自惜
莫教冷落在人前

示法液何居士

江門一滴自曹溪
認得隨流亦不迷
法液至今清碧碧

月明光浹海天齊

示光半禪人

寂照光明剛一半
烏啼月落夜如何
碧潭深夜無人處
努力翻身直捷過

示李幻生

與世推移寄此身
隨流認得幻中人
不妨擊楫同波浪
一曲蘆江別調春

楊無見居士書來以詩示之

名山頂嶺霧雲深
欲海波濤險萬尋
向子丁寧總如夢
何時相慰野人心

耶室詩集 卷十七
示妙峯禪人

五十年來親復疎于今特地忽逢渠還家莫訝途中事
驚喜停時識舊廬

示聆玄上座

遍歷諸方羨飽叅黃龍不是泐潭南會當推向人天上
快覩今時優鉢曇

示已鋒禪人

學道先須遠俗情不求安逸不求名塵中能具超塵想
歲久年深累漸輕

示頓修侍者

讓公會亦侍盧能十五年來面目仍足下馬駒天下踏
果然今古競頭稱

示廣慈侍者

一見桃花更不疑數枝紅綻自相宜招攜直入千峯裏
溪月山雲似舊時

示崔石師

念念須自見其心莫教隨世枉升沉勳名蓋代一場夢
惟有此心無古今

雷峯華嚴長期

寶鏡重重帝網新交叅主伴有來因隆興拄杖熾然說

爲寄華嚴會上人

妙峯禪人住靜潭山乞詩示此

一茅縛就放身眠萬事從他在目前須信隔垣人有耳
莫教長嘯白雲邊

偶述

四十年來又一年舉頭平望盡霜天策杖自來還自往
不須人伴過前川

妙靜主呈船子頌却示

滄茫巨浸浪滔滔只怕無風自著篙多少弄潮人在岸
等閒餘韻落波濤

示知量道人

徐衣繫
祖母

大道絕無男女相亦無初學與先知雖然七十未爲老
歲歲當如初學時

送證侍者

送子佳山爲卜居懸崖飛瀑夢魂隨莫貪筭蕨遲春信
忘却雷峯斫額時

題燕杏圖

燕子春歸花正開一團紅雪鎖青苔披圖忽動河山恨
何況親從北地來

題竹鶴圖

不下青松下翠竹孤雲野鶴儘相宜最憐寒夜一聲唳
夢斷疎烟微月時

辛卯夏日大雨戲示諸衲

一回風雨便淋漓數十殘僧面面窺大地江山同逆旅
不妨權且作船居

秋日

落日潮平半掩扉田高山淺鷓鴣肥野人策杖欲何去
遙見溪橋數衲歸

登樓望諸衲二首

青山一半枕樓頭門對長江水自流烟樹望中添數衲

恐驚鴻雁下滄洲

萬山晴色沁秋寒
去住浮雲任我看
看不盡登臨今古意
何人林外夕陽殘

雷峯雨後

秋林濯濯野烟浮
萬古江山色共幽
且對暮雲閒不散
不知世上有人愁

癸巳七月二十二日口占

瘴海棲遲十二秋
避兵長傍蓼花洲
無端一夜西風急
又報笳聲到市頭

江帆

一帆如鷺趁秋風萬頃烟波歷亂中莫向青山誇舊隱
松風江月兩無窮

九日與諸子晚眺

夕陽斜映菊花開一上峯頭萬木哀與子更窮千里目
百年能得幾登臺

望羅浮

野人去住似孤雲望裏羅浮忽忽親曾憶數年寒夜月
聽猿別是一閒身

送秋

風急烟銷遠岫開長空只有雁歸來青山久住忘人世

時愛松陰破綠苔

題畫雁四首

濛濛烟雨醉春光
桃李花開歸計忙
蘆葦豈分南北岸
舊時遺澤未應忘

春

不爲江南乏稻梁
乾坤有恨北天長
征窮沙漠雪銷盡

穩坐烟波六月霜

夏

朔風初動便圖南
聲斷衡陽秋水涵
亦知瘴熱非長樂

淺浦荒原尚一堪

秋

晴波風急月微微
半隱平沙半欲飛
不是畏寒安海國

得成毛羽趁春歸

冬

泊虔州

一帆風送到虔州城枕長江水北流十年人物今何在
月色笳聲滿渡頭

中秋無月二首

甲午

去年此夕海雲開此夕今年山霧來若使月明照潭水
恐驚飛雁一徘徊

清光不欲動人懷黯澹秋山只自諧却憶榕橋寒月後
幾人形影在天涯

自饒州還佳山

夜泊城頭秋氣微湖烟江月共依依世間安有閒雲鶴

不向佳廬何處歸

初冬遊玉淵潭

石上看雲昨日同
莫將濃澹想秋空
葉紅霜白溪流緩
拚却山容與朔風

憶足兩

半年音信望來孤
漸到秋深景自殊
白鷺洲前明月近
不知猶憶老僧無

憶阿字

長安東去一身孤
兩度逢秋心事殊
極塞月圓寒已栗
不知曾入玉關無

悼崔石師四首

獨坐山房意黯黯
濛濛秋雨瘴南天
海門浪湧分淇水
水上人家空可憐

遠別沉吟古墓邊
傷心曾憶五年前
何人重覓鸞溪上

纔問崔郎已渺然

余出嶺時別石師于陳邨菴墓傍
恐其挽留不爲明告故有起句

身心久已拚空門
在欲行禪未易言
慙愧老僧辜負汝
綠蘿菴裏待招魂

珍重峯頭謁老翁
當年誰共聽朝鐘
死生如對秋山雨
悲喜何曾入畫中

山行

世上閒人豈易得不妨無事上山行松風落落溪雲外
難得秋原一望晴

絕句

折花相贈爲多情千里持來意不輕誰知更有多情者
拋却花枝兩淚傾

瞻堂詩集卷十八

番禺天然昆禪師著

書記今毬編

七言絕句二

題王子安畫卷

七十年來老道翁
此心如欲寄山中
流泉鎮日能消熱
眼底潺潺未易同

雷峯卽事二首

海外日長生計拙
山中屋少住僧多
築得東籬倒西壁
算來真不奈緣何

誰說身窮道不窮棲賢風味見雷峯怪來一隊書騃子
魂夢猶懸峽澗中

送澹歸住丹霞二首

三十年來想像中親臨何必問渠儂天然巖上無岐路
側耳珠江聽遠風

纔出山門已望來兩人心事共徘徊吾儕不是傷離別
萬古真風待汝回

乙巳春送石西堂領衆棲賢

春水薰風向七賢到時日永綠疇添山中賴有天人範
火種刀耕紹別傳

秋杪送離言知客

年邁遭逢法運衰暫時岐路亦淒其分淇渡口西風急
記取歸帆雪浪吹

漢壽亭侯像

有序

雲長先生像吾友陳全人爲小安居士所畫三
十年于茲矣全人沒去小安久不相往來今年
膺歲薦始得聞音耗小安乃以此像先寄入山
求山僧爲書數語展視間不勝今昔之感遂援
筆疾書以俟小安之至

千秋肝膽憑誰見想見丰裁三十年面目何殊真與幻

十分珍重故人邊

示黎體大居士

儒門澹薄難收拾還歸釋氏達人論愛君入路超聞見
大道無門却有門

大雲寺監院睹者五十一二首

五十年前事若何于今特地且諠訛便休欲更教誰識
倚笑春風不較多

尺蠖之屈以求信閉戶青山足淨因一句分明無量壽
蓮華瓣瓣口中春

舟師何耀吾七十一

何與子
同日生

共日生來不共年多時相見未生前今欲期君再七十
渡吾渡汝海潮邊

法會諸公擬募田爲放生之費乞書冊首時丙午
十月十七日先夕本寺被掠故首句及之

半載耕鋤一夕盡又謀結社買生田從他盜殺尋常事
一味同人作勝緣

妙峯禪人六十一

周天甲子從頭起人事今年異昔年白髮不須愁漸夥
青蓮多著老金仙

題觀音大士像二首

萬卉千叢待化工微雲細霧澹和風是誰不在空濛裏
祇有枝頭春獨濃

一泓水樹橫秋色半枕松風歸鶴聲箇裏未能忘宿習
因人幻出百千情

示何石人居士

慧性當從宿植來一期生事眼中埃青山未必皆投老
趁取曇花及早開

贈吳副戎二首

護生福國得長壽西竺金仙曾有言欲進南山慙野服
敢持半偈祝軍門

干戈初定復何事大帥惟先民瘼求寶水一從霜瑞露
年年此日仰高秋

題千山剩人可和尚真

一滴曹源向北湍順流容易逆流難神龍破浪無尋處
留得威猊紙上寒

雪木毬禪人凡與語或自有所陳輒見動色爲解
嘲戲示

摩尼五色隨方現何事心光獨映紅應與靈雲同見處
頭頭觸著在其中

贈陸孝山太守二首

陸家片石足千年舉向丹山尚儼然坐臥庾關看霹靂
虛堂驚起笑從前

靈山一別剝塵深錯認緣生直至今借得秋光似明鏡
年年長照使君心

來機禪人五十

寸絲不挂袈裟舊放過玄機此再來五十還教更五十
蓮花歲歲臘前開

寄示沈南宮稅課二首

夫妻共種率墮因天上蓮花色正新更囑慇懃自迴向
莊嚴心地豈由人

誰云在俗難修道何肉周妻總舊因且看目前生計足
黃金重種法庭春

示海雷兩山都寺旋菴

撐持門戶憐今日此道誰當遜昔賢冉冉流光吾已老
歸山遲爾再三年

贈王冲和道者

華林初請法輪旋覺海論因在梵天誰信金仙曾有願
雙雙重上講堂前

贈胡君德道者

山田慣買與僧耕又請華巾布髮輕龐氏兒郎皆順敕

明堂詩集 卷十八
一庭清楚振家聲

寄海幢監院解虎

一心內外絕纖塵更欲從人問主賓
千里寄聲無別語
秋風江上浪如銀

題太平橋圖

太平橋過上江船去臘曾遊今儼然
肯信毫端傳隔世
大都風景自年年

山家二首

曲水尋源山徑賒路逢絕處有桑麻
野人住在最高頂
樹裏孤烟便是家

流水潺潺犬吠聲
亂林深處見人行
分明不出此山外
踏盡前坡路轉生

贈巖殿生三首

秦和醫國早歸山
獨上丹峯雲半間
欲傷海螺依窰塔
有時尋月共僧閒

龍王高閣勝蓬萊
秋水尋源擘石開
莫飲上池寒徹骨
空教人望太倉來

安期不施神樓散
雲翼何求絕粒方
一葉已輸全活意
萬金難換亂茅堂

壽陳伯恭三首

臨堂詩集 卷十八
青山一望瑞烟收松自蒼蒼水自流人在暖堂進春酒
不知何處覓浮丘

近山城郭紫霞連郭裏人家歲月偏況有東林堪往復
淵明詩酒日陶然

南華讀罷恣高眠山院閒來亦學禪會當攜策干時去
世上人疑葛稚川

送蕭叅戎柔以解職還里四首

將軍解甲慕空門千里攜家向故園繡佛堂前須記憶
拈香擇火總承恩

家學深知宿世因不妨疑著繫鈴人退身豈爲尊鱸美

藥圃芸軒別是春

想到家園春未歸
枯棹轉處識鄰扉
兒童遠近爭相認
郎將于今易野衣

與君本是舊同條
緇素論交意氣饒
莫惜江山分手處
靈光相對未應遙

寒食二首

山中寒食覺春深
一樣春山幾樣心
杜宇自啼花自落
白雲終日覆層陰

水流亂石雜溪聲
鳥啄殘紅照月明
春色自來無去住
垂楊何故動人情

庚戌春夜夢坐棲賢橋聽泉山月朗甚獨步成詩
覺起索火書之僅記後二語因足成截句以志

一時情景

金井橋邊夜月深何人夢裏聽寒吟
洪泉萬古流無盡孤負嫦娥一片心

前詩既成風雨擁窓就枕未能再題一首

濛濛春雨萬峯深別有清光寄夙心
收拾閒情付明月寒爐擁被又成吟

初住歸宗四首

東晉開先代有人復生松轉劫前春
遙思八十年來事

艱鉅難辭是此身

寺重興八十年
予始忝主方丈

吾師設利在金輪四十年前話轉新不道無禪誰獨念

祖翁田地久生塵

予自丙子禮金輪塔便
有三十年不出山之約

嶺南獍獠自丹霞柳標橫挑千里賒多少兒孫憐老大

不知何地是吾家

余受歸宗請諸子
相留至於絕裾

最是堪傷法運衰門庭通顯作生涯欲持一勺鸞溪水

灑向諸方熱面皮

復生松四首

太薇夙植歲寒心移覆祇園大樹陰不向人間輕一死

鸞溪橋北早成林

八十年前事莫論輕烟重見吐靈根磊磊滿腹誰堪委
歷盡冰霜到石門

莫誇地久與天齊偃蓋誰爲樹下棲更欲影連高頂上
龍蛇千尺動辰奎

神爽登臨匪一丘萬年香火肇青牛遙思負鐵人何在
十里香回紫栢秋

題金輪峯塔院四首

有引

子初主歸宗之明年正月四日登金輪峯禮如
來舍利塔因過先師掩關處棟宇傾落茆簷頽
圯念水木之根源傷典型之凋謝思停波靡敢

以身先尊古人坐斷之風息後學狂奔之習正
惟此日殆將終焉俟之後緣聊題四絕

日懸午塔無中影峯繞羣巒見獨尊恩大莫酬塵刹夢
數間茆屋護柴門

當年曾憶掩關人今日空憐守塔身背面烟霞無透路
紙窓寒坐舊時春

第一峯頭徹底貧重來且莫辨疎親簷楹星月年年繞
不信塵中堅密身

吾猶昔人非昔人欲話難酬曠劫春葉落歸根他日事
只今誰與續前因

耶室詩集 卷十八
米顧二使者入山二首

天使光臨滿院春
入門便是箇中人
三生石上藤蘿月
萬劫難忘此日因

萬里天威在目前
靈山付囑尚依然
寒巖牛火家風舊
清涕垂垂沒後先

送澤萌後堂住玉川門二首

法季息機真詰者
兩年相傍住簾泉
移茅又欲臨高壑
先我尋山得玉川

誰道金輪勝紫霄
溪搖松竹晚蕭蕭
避人別有深雲路
不許時流候牧樵

暮春三首

桃紅柳綠送春歸
雨細風微晝掩扉
睡起一杯千沸水
神深智淺世情違

雨過牡丹姿未減
半酣妃子倚春風
沉香亭北皇家事
替得山中十日窮

日永山深只自知
黃鶯啼早燕歸遲
半牀薄絮閒伸足
不羨人間暖席時

立秋夜望月二首

秋風初起白雲淨
湖水將平青樹浮
空際無人光自滿
夜深誰解著雙眸

雲間山月入潭靜照見千山山月清潭月照山山照水
不分明處最分明

膽瓶玉簪花

山輝本是因藏玉幸不簪冠到石門素色豈嫌風味薄
一枝斜傷自黃昏

雙瓣紅梅

輸却微香與雪同疎斜終日笑東風祇因世眼妨寒素
放出緋衣不厭重

牡丹臺下雞冠花

幸托牡丹花下見數株頭上放紅英錦冠照日疑丹鳳

只少東方報五更

牡丹臺邊桃花

桃花先占牡丹春
開落臺邊不顧人
自是淡紅深著雨
敢輕富貴惜風塵

蠟梅

雪裏鵝黃亦是梅
寒香一簇入簾來
似韜潔白隨人意
嚼碎金莖獻寶胎

淨成口占

五溪深處失樵蹤
曲曲溪聲烟霧重
石壓高坪出新柳
一條隄指紫霄峯

棲賢口占

萬疊青山峽澗東
黃埃白晝虎狼風
僧歸野火燒松樹
照入深潭起臥龍

庚申除夕

白頭只合老青山
山事如今且未閒
明日又歸三峽寺
千峯林下水潺潺

固窮吟三首

近來有箇固窮法
只是堆堆不著忙
聞說棲賢無米爨
但教伸手向村坊

須信出門便是草
端居蓬島控遐荒
饒他豐儉終當盡

堯舜垂裳帝力忘

修行到老空餘我
我是人間屈僵僧
水草東西隨分過
不干名利日騰騰

雨打牡丹花殘二首

春光得令自翩韁
富貴誰知但目前
一夜殘紅風雨掃
淨梳枝葉待來年

試問枝頭知未知
豈堪惆悵憶當時
洛陽簫管終難盡
只是人心有盛衰

雨後牡丹二首

明年三月只如今
富貴人家一樣心
須憶舊時憔悴色

贈堂詩集 卷十八
當花休更悞知音

幽姿莫倚洛陽時
幃帳家家若爲誰
不似山間風味永
青青猶故一枝枝

閒步松下偶憶亾過諸衲二首

出嶺三春百念休
溪山雲月兩淹留
松花滿地何人去
誰謂高年不白頭

青山白水非新故
宜月宜風亦偶然
閱盡死生情未瞥
閒看春色覺時遷

偶感二首

不願羸峯疊石龕
真成先見我癡憨
青山處處可埋骨

何必區區向廣南

千古人無背後情
當時感激爲身名
若教八萬四千歲
地角天涯好弟兄

春蘭二首

紉佩無端入楚詞
爲憐清絕寄相思
幽根自有同心調
萬壑千峯臭味知

劍葉如鋒出匣寒
美人含笑倚琅玕
聞香未許誇同室
賺殺春風待夜壇

衰柳二首

山南溪北見花開
曾逐東風舞萬回
幸自雪霜無著處

東坡詩集 卷十八
莫因憔悴憶章臺

早知寒至傲秋風
月落山堂影已空
赤體每憐松柏苦
春來依舊拂牆東

醉梅

暗香偏在野人家
鶴過寒空映晚霞
潔白却宜微著酒
不妨籬落自疎斜

因峯頂侍者偶憶往事走筆寄晦林禪師二首

博嶠經營三十年
兒孫無力愧前賢
當時只道山頭在
回首斜陽草漫芊

何年交臂頻相失
憶別家山惱亂中
三峽橋頭逢信使

不辭千里寄同風

非影慧潛行乞餘干臨別示詩二首

我病偷閒且閉關相勞爲衆往他山調心多是近人處
抗互俱非大似頑

老懷恃此強爲安兄弟同心耐暑寒法界自來無彼我
剎塵休作一期看

雪木書記同鑒光行乞臨川二首

爲道相隨二十年清泉白石自安眠于今拓鉢非他事
念我頽齡一衆先

我病偷閒且聽天天教老漢樂餘年支持大厦先一木

信植同行有普賢

會三遣化入辭二首

年年多費草鞋錢一鉢沿門爲衆添
于今又向他山去有話聊將白紙傳

行業純真我素知因緣終有好相爲
江山指顧無餘說且待高秋雁過時

月二首

陽卷陰舒散積氛爲憐長夜隱高雯
何人不在光輝下圓缺從教鏡裏分

如鈎初見似新知漸漸增輝到舊時
天上桂輪無晦望

人間忘憶有全虧

嶽監寺出世未及親辭乃翁今相尋入山年適七十父子樂甚賦詩爲壽二首

匡嶽尋兒已古稀雲中相見各依依昔年未遂裴休願今日追歡盡意歸

五老亭亭靠紫霄高低羣遶萬峯遙兒孫既有兒孫福長劫還他祖父嬌

夜坐

雲散青霄露碧空何如片片罨玲瓏但知徹體無遮處月落平原萬里同

春草二首

春草離邊綠未休
王孫去後鷓鴣愁
聲聲只喚哥哥子
萬里秋原易白頭

年年只見綠初肥
萬里天涯生事違
莫道芳菲平野盡
五陵游俠馬蹄稀

四季雁四首

柳線初垂歸計忙
平沙萬里是吾鄉
休言南國勞生事
不度潼關漫度量

黃雲如霧舊生涯
四首南洲道路賒
飲啄已爲忘客苦
飛鳴不覺夕陽斜

西風初動望衡陽却怪銜蘆機未忘斜度大江秋水怯
一行倒影入寒塘

楚原千里稻梁肥掩映蘆花好息機猶自孤鴻深夜戍
一聲高向白雲飛

送塵異但子歸省二首

與汝同撐大法船莫隨風力把頭先洪波險闊篙心穩
萬丈厓門驀箭穿

老去驪歌不好聽此生知有再趨庭下堦更莫頻回顧
法界如今世念停

孤吟三首

道衰無侶自孤吟時向林間坐夜深情見兩心誰共語
等閒辜負昔人心

草深堂下日沉沉鐵壁銀山若箇任晚近不生真法器
牀頭高挂伯牙琴

不是無心爲後昆都緣慙負昔時聞羚羊挂角無踪跡
一簇金羈向白雲

秋江

淺水明沙照影親一時風起失前人須知只在洪波裏
穩臥江蘆狎釣綸

棲賢退院留別各剎二首

廬峯有寺不容住瓢笠隨身一錫輕
忍見袈裟甘俯伏
非關高視獵清名

僧住名山紹祖聲
下同胥靡若爲情
謬膺師席真風在
敢與禪林作世程

關中吟十首

久拚身心奉剎塵
一生悲智自疎親
百城烟水迢迢道
回首城東猶昔人

莫倚元勳倣少年
百重圍破一身全
黃埃白刃前驅失
夢裏驚魂空自憐

矢盡寒原戰未回
雲屯萬里出龍堆
前軍金鼓無消息

百戰旌旄擁皮臺

五丈高原計亦奇
全軍進退鬼神悲
空中大有安排處
賺殺沙塲輕薄兒

舊事難爲此日論
沉鎗鎖甲暴平原
早知一箭千山定
繫馬垂楊沽酒村

無人負我笑曹瞞
做盡奸雄負子孫
秋水長天元一色
高文旄得至今存

黃石書傳王漢高
焉知初本爲韓園
堪嗟斷臂何曾得
墻壁如心枉自勞

數十年來枉用心
心纔起處被魔侵
自爲城塹何人事

遣去呼來直至今

千鍾萬鍊虛空碎不似頻呻呵欠時若更醉酣三昧酒
幾多生滅目前遺

甚深三昧許誰知常近如來坐未移不信折旋與俯仰
一條白練至今疑

瞎堂詩集卷十九

番禺天然旻禪師著

書記今毬編

梅花詩

五言律

一東

白花輕一放萬壑盡春風蜀客相逢處何郎寡和中烟
荒村路斷人去水流空却憶霜零後雲山望欲窮

一二冬

荒榛迷遠道絕岸一相逢飄落非殘雪橫斜傲古松目

空烟暝色跡混獵樵蹤自顧同寥廓隨雲隱亂峯

三江

寒溪疎影瘦夜靜水淙淙雪重從衣薄烟深帶月降不
因驚碎玉何處覓枯椿四望江山暗泠泠獨倚窓

四支

獨秀一林悄寒山薄暮思風烟愁見晚桃李恨生遲觀
世疑空劫論交與古期莫云春漸暖應記未開時

五微

倚空寒夜月林靜鳥聲稀一自逢人少方知與世違雲
烟籠不住泉石好相依香入初風醉臨崖悲採薇

六魚

春愁看不極空谷此情疎地僻先明月天涯遲素書立
殘三尺雪坐老一園蔬豈待東風至雲中香有餘

七虞

催人頭已白朝夕共躊躇踏雪香非遠尋香雪又無歲
寒傷一折春入老千株村路溪橋迥垂垂清影殊

八齊

晚雪風初細花開山鳥啼易寒迎日近難見故枝低獨
樹紆樵逕叢芳狎釣溪名園多蔓棘聊傍石橋西

九佳

故園黃葉盡風雪舊生涯孤壑春先醉同人月在懷抱
香衿獨處殘夢怯寒蛙道路雲烟渺尋芳到古崖

十灰

去年爲春落今日爲春開萬里誰相識白衣人又來望
窮雲鶴影愁斷杏花杯一自幽香動羣芳夢欲回

十一真

不到空山裏孤標恐未真嚴枯今日景初蒞百年春江
店烟中樹荒臺月下身平生信幽節寒夜自無人

十二文

荒原人影寂孤雁不堪聞惟有一枝秀乘風寄白雲黃

塵初夜靜素色曉霜芬珍重冰稜意前山日未昕

十三元

幽根不可拔歲歲老蓬門絕俗臨危石依人傍遠村有
花應有雪堪對不堪論愛爾疎斜影寒山知獨存

十四寒

一從秋色老寂寞倚闌干花發春何限春來花欲殘不
因傷歲暮能得幾人看爲語禁寒者楊州興莫闌

十五刪

別有凌霜意枯榮從去還不堪橫却月以此到廬山草
色催人老幽葩空自閒春風能解凍零落豈須攀

一先

灞橋春色早迢遞到窮年韻落江城杳香流古澗前一
峯新雪月千里舊山川翹首人間世寥寥共遠天

二蕭

寒盡花初發相逢慰寂寥遙知日照處不與雪俱消閉
戶來春色隨鞭過楚橋古今情未已江國正蕭蕭

三肴

孤山空自放豈問歲寒交但得香在石何妨露滿梢葉
凋深見月鳥過不棲巢最是幽人意誰當共結茅

四豪

萬卉休窮臘孤芳此獨勞
枯藤發寒燄春色動林臯
雪暗光逾滿雲低影自高
蕭條生理別方嘯北風號

五歌

不入芳菲逕棲心當若何
獨辭春日短因共白雲多
素色和烟老疎懷逐雁過
祇應同靜者榮落在藤蘿

六麻

漸覺朔風急疎林日影斜
悲時同落葉積素獨呈花
寒坐三冬促春光一夕賒
少陵忘却恨應負此心遐

七陽

非關衰世意皎皎一凌霜
愛我不嫌白憐人祇自芳
幽

懷如有寄孤放若爲狂但到春深處悠然思共長

八庚

涸落知誰世危危獨向榮爲憐衰草色不盡倚寒情泉
石何曾暮烟霞餘此生疎斜如可似真悔一時名

九青

欲折不堪寄晴窓香一餅寂寥須此鑒消息可誰聽愛
雪驚同色和烟渾獨醒更饒窮臘韻孤雁下寒汀

十蒸

籬落難爲色山寒情不勝素襟堪對石幽韻却疑僧凍
臘他年恨春光昔日曾霜中誰可念令我獨憑陵

十一九

獨出羣芳後凋零感暮秋吳宮花草盡漢苑晚香留白
髮宜松老閒情共竹修月明風露滿無事到春愁

十二侵

舉世渾如夜何人問素襟空山曾有夢秀色自成林已
辦窮年計寧愁晚露深夕陽流水處古韻日沉沉

十三覃

立雪餐何極深寒亦自堪誰當尋素侶知不到茅菴此
日雲中遇千秋石上談大庾花信捷春色滿江南

十四鹽

離離孤影絕圓月到疎簾尚有餘香在殊增老衲嫌暮
雲旋欲合朝霧不曾霑獨倚寒巖醉無人韻更添

十五咸

濯濯寒逾潔惟當老碧巖幽心矢霜雪疎影托松杉山
靜雲千樹僧歸月一帆無人知此意長詠付琅函

七言律

一東

乾坤渾灝鬱龍從物化承陽氣候通萬彙初回先素色
羣芳未綻暗香叢風飄雪蘂隨烟散月凍溪明一樹空
慙愧梁園覓不見獨留孤韻古今同

二冬

笑抱閒情自一峯東亭何處見春容
相期深谷惟明月
不畏寒巖共老松
帶暝坐醒初夜夢
倚空愁破五更鐘
生來傲骨慙烟火
半落溪橋濺短筇

三江

聊將春信渡寒江
映雪清姿色易降
零落風烟同白鷺
蕭條形影對銀缸
夢回香遠人何極
望入雲端眼一雙
萬紫千紅看若此
解衣誰與臥虛窓

四支

孤芳無地足棲遲
木落溪寒又一時
瘦骨且隨巖壑老

耳生言集 卷十九
素香不使水雲知濛濛太古幾忘歲寂寂空林欲待誰
倚石自憐霜雪意百年春色正相期

五微

一園寒玉影離微獨坐山頭夜不歸曉露未乾窺石室
夕陽初下映柴扉似憐高士埋空谷猶聽孤猿欲攬衣
夢斷羅浮春尚早北風吹雪雨霏霏

六魚

寂歷空山清夢餘一枝斜映六窓虛幽人抱鏡臨秋水
老衲凭松讀梵書坐石不知寒夜永聞香方覺朔風初
春深正恐無尋處珍重衡門影自疏

七虞

曾和積雪暗前途雪裏聞香風味殊
萬里烟銷春信達閒亭玉立客心孤
影沈寒水空無雁光浸長天月在湖
終古離披君不見臘窮人散獨躊躇

八齊

山寒石瘦暮雲低一道晴光混不齊
萬古鴻濛自今日何年開落到西溪
孤松鶴立烟霞老野渡舟橫樵舍迷
我亦危危人影外凌風臺上笑相攜

九佳

一番寒徹影參差撲鼻餘香韻自佳
晝共白雲連絕巘

夜同明月醉空階爲慙芳草遲春陌獨許梨花到石崖
是處江城吹欲落泠泠古調可誰諧

十灰

含章花事已成灰爲愛寒溪帶雪來一望白山人穩坐
數聲清淚夢初回多情且共三生石好月相尋綠橋杯
歲歲凌霜君自惜莫教憔悴北風催

十一真

閒遍江南未是春春光辜負隴頭新幽姿濯濯清霜月
道韻森森白髮人松栢無心須憶我溪山依舊可誰倫
豈因舉世慙珠玉顧影寥寥亦自親

十二文

荆南似雪恨空聞地老天荒始見君
霽色同人能悟物正襟危坐若無羣
離離疎影先春動皎皎寒光後夜分
一檐枯藤探不盡朝烟暮月爲誰醺

十三元

斜壓疎籬祇自存香風冉冉入黃昏
獨翹天際渾無色飄落空潭不是痕
雪映高低疑近遠冰懸日夜自乾坤
朝滋風露何勞問多少衝寒到石門

十四寒

高放嶒嶸天地寬幾枝清瘦自輕寒
只教雜雪披靈苑

不共含桃薦玉盤
落葉滿山光璨璨
亂雲深谷影團團
羽衣皓首空相對
錯比華嵩石上看

十五刪

聊傍雲峯共掩關
霜清月白一僧閒
秋風不折凌霄骨
臘雪逾深老鶴顏
寒涕垂膺憐懶衲
龐眉坐石傲西山
佳廬頂上湖千頃
慙殺當年漢苑還

一先

佳氣隆隆萬象妍
靈根曾植古皇前
謾隨晨霧舒寒燄
識得春光是舊年
湛湛清姿和暝醉
稜稜丰骨帶雲眠
無勞支老買山隱
儘有疎斜庾嶺邊

二蕭

隨風遠度自迢遙到處生涯香一瓢
紫陌無緣花欲老
雲山有恨雪中銷
看殘蘭菊甘籬落
聊共松杉冷灞橋
皎潔自驚寒色異
春深依舊綠條條

三肴

永夜空濛月一梢
泠泠疏蘂破荒郊
只愁終古無春色
獨抱寒香共石巢
逸士踏餘三迳雪
老僧長伴半間茅
孤榮却爲羣英早
但到芳菲笑落匏

四豪

姓名終不入離騷
留與雲烟援彩毫
巖壑何曾有霜雪

春風吹落盡蓬蒿幽葩吐處陽和動素蘂殘時青草高
自是韶華成代謝遐心無耐聽松濤

五歌

飛空帶雪影婆娑落落幽巖亦自多千樹凍雲銷不盡
一溪寒月又如何光凌北斗疑長劍雁叫清霜當浩歌
古寺森森鐘磬外有人含睇在山阿

六麻

烟暝繽紛落日斜五衢寒盡一枝花我憐素色禁殘雪
誰愛餘香坐晚霞但道影疎南浦月豈知春在野人家
幽光處處都相似況是荒岑韻更賒

七陽

獨厭客長異衆芳由來素質欲凌霜坐銷暝色發林秀
引得春風滿草堂愛此清芬先墮葉却憐憔悴暗生香
不妨共對連宵迥千古幽懷在石牀

八庚

玉質冰操共此情歲寒惟見一林清雪霜滿地誰堪白
桃李開時但有名飄落且隨流水去孤榮又傍碧巖生
臨風欲和還應笑何處關山無笛聲

九青

萬象沈沈醉不醒微雲澹月倚山亭若憐凍臘爲先放

更喜春寒尚未零
容易珠離千顆白
曾同柳色幾枝青
幽姿我亦慙相失
夜夜溪頭戶半扃

十蒸

山逕橫斜好共僧
孤雲野鶴碧峻嶒
相看石上寒如此
坐到花殘春未曾
澹影情疎應似我
曉風人外若爲朋
紙窓竹屋淒清處
一片禪心不可勝

十一尤

黃花落盡獨憐秋
便放寒山倚石樓
佇望白雲歸洞壑
坐看孤雁下滄洲
影同雪色惟堪賞
嘯入春風不可留
一自叅軍吟欲絕
疎鐘明月夜光浮

十二侵

雪裏窺人雪不侵
澹香孤影百年心
一梢烟月看同昔
去日春光又到林
吹落爲摧羅袖色
高低空笑白頭吟
菀園上苑多憔悴
別有幽根在石岑

十三覃

輕寒殘雪暗江南
曙色幽香尚帶嵐
潔白不傷行路意
疎斜終欲老雲菴
似催萬里還家信
猶伴浮生半日談
却笑武陵溪未穩
年年春夢付癡憨

十四鹽

雪中香色水中鹽
夜夜看花味欲兼
不是我來寒徹骨

枉教人醉月明簾孤山影碎千叢玉萬里傳持一素縑
幾度因風聊寄贈恐驚頭白易生嫌

十五咸

滿林秀色映松杉西竺先生經一函雪嶺開殘迂凍臘
早春疎影到千巖山中有客堪餐石月下何人曳素衫
且抱閒情恣幽賞香臺雲外共誦誦

五言絕句

一東

葉盡花自發正當寒山中山寒人見少花發年年同

二冬

花在寒雲裏看來隔一重路
傷猶落落況復到高峯

三江

枯樹望空白回頭香在窓
一時聞見靜使我夢魂降

四支

寒色擁千樹尋香只一枝
何因重攀折欲識樹上時

五微

心知花在樹望月影微微
不到寒香入終然此意違

六魚

高樹花開盡低枝藥尚疎
近人情熱處留取暗香餘

七虞

望裏花疑雪近看一語無全身在香國頓使野情孤

八齊

多少寒山子相看在小溪不知香冷處終日對花迷

九佳

有時寒雨過生怕素香差細看枝頭濕方知濯更佳

十灰

遊人欲多折要傷小瓶開不知香在手更覓一枝來

十一真

花香花不覺都付賞花人人散香同歲冷然太古春

十二文

獨立荒烟白不驚寒雁羣祇因春夢斷夜夜但空聞

十三元

香暗隨風度颼颼不欲存聞香意何限花自到黃昏

十四寒

幽豔曾無歲尋香人自寒一般清冷致終不悔衣單

十五刪

獨舒寒壑日紅紫一時刪暗香酬客意誰會到花間

一先

春色有無處但觀寒臘前迴臨村路上來往白雲邊

二蕭

覓花花不見雨雪空蕭蕭認得枝頭穩何須待雪消

三看

祇爲花開處偏令雪上梢春風吹落盡不見雪空巢

四豪

走馬春郊早探花問凍醪花醒人欲醉笑殺五陵豪

五歌

一枝三五朵疎處月明多舉頭見寒月不覺暗香過

六麻

日出雪消盡泠泠一樹花焉知寒日落香色未曾差

七陽

月下花容隱雲中花影長坐到無花處時聞一陣香

八庚

縱白何如雪疎寧似竹清若無香撲鼻猶逐倚寒名

九青

晨起到花處不知花已醒但憐寒歲見莫惜露零零

十蒸

莫道寒偏妒多因花欲凌一自同於雪方知雪不勝

十一尤

薄暝易相識月明何處愁分明枯樹裏望絕白雲頭

十二侵

寒夜無藏處花枝共月深清光纔一半休向月中尋

十三覃

好處非關月重烟不着嵐疎斜泉石裏看盡古今談

十四鹽

欲寄成何字天涯滯尺縑相思與相見語默一時兼

十五咸

風雪猶未已花開自碧巖欲知寒蕊意遙指隔林杉

七言絕句

一東

色共梨花香不同千山烟月有無中立殘孤影君須認

看去春林溪欲紅

二冬

長橋低岸好相逢多折偏憐落客蹤遙望白雲溪路滑
幾枝殘雪老孤峯

三江

翹首南天意未降穆穆白拂豎寒窓曾同黃姓同蘄路
一棹蕭蕭夜渡江

四支

洗盡鉛華欲付誰風烟淒斷月明遲莫愁春到先搖落
更有深春搖落時

五微

白玉條條映落暉雪中春色正依違天涯苦恨知何限
獨立空山待客歸

六魚

荆榛荒沒露零餘天北天南影共疏花發寒空愁更落
冰田長欲帶雲鋤

七虞

昔日玄都花滿衢看花曾數暗香無菟葵燕麥凋零盡
回首寒山樹一株

八齊

標實無期望欲迷可憐道路獨棲棲誰同素影千巖秀
撥盡寒灰落紫泥

九佳

影同寒月印空階錯愛清光掩素懷夜夜枝頭看似夢
踏窮殘雪惜芒鞋

十灰

木落烟深孤雁哀南枝憔悴北枝催從來春色應無住
空自撩人花繞臺

十一真

大漢將軍六代人披星臥雪舊風塵相看潮上終何姓

憶得雲中老鶴身

十二文

成都高臥影紛紛誰謂晴光獨映文
放出餘香應十丈爲憐人共木樨聞

十三元

臘窮人不到柴門花落花開總莫論
雪色自嚴香自遠更無形影待王孫

十四寒

高寄空山天地寬素香初藥足盤桓
莫將白髮輕寒意都作春愁對月看

十五刪

丁丁伐木響人間
纔入春風鬢未斑
認取幽香付他日
臘殘寒盡待花還

一先

爲誰帶雪到春前
幾度相期雲水邊
過眼不堪人意盡
一枝零亂又殘年

一二蕭

春光林下共迢迢
百衲雲衣覆石橋
道是聖僧猶不似
何當香逐美人飄

三肴

片片新花發故梢
隴頭流水一閒茅
壽陽宮裏如相覓
爲道于今共石巢

四豪

難知休訝一枝高
出手何辭待雪勞
花落更應期子熟
莫教人羨武陵桃

五歌

暖處難逢寒處多
幾生魂夢付藤蘿
花光長老曾摹此
何似親從庾嶺過

六麻

一本分攜度嶺斜
只今方見歲寒花
山中獨秀無人問

狂殺清江舊酒家

七陽

謾道生來欲傲霜
相投應亦惜名香
多情共索巡簷笑
爭較高眠怪石旁

八庚

雪滿江邊花氣清
垂垂一樹古今情
悲歡閱盡宣城眼
聊托詩人天下名

九青

蜀郡名園晝掩扃
佳人笑語尚亭亭
風前玉立何生夢
猶自題詩醉未醒

十蒸

高處憑空折未能連雲帶月影峻嶒誰當錯比仙人萼
李白親傳自老僧

十一尤

寒倚闌干映日浮高樓胡笛滿天愁北風衰草蓬蓬盡
任是初年亦白頭

十二侵

四望江山共一林百年春色雪中深勸君莫向枝頭覓
風起隋隄何處尋

十三覃

錯落雲烟傍草菴繁枝應許赤松參春風暖處如相憶
數盡霜中一月談

十四鹽

萬彙凋傷花意嚴烟漫漫又月纖纖傳聞勝似吳門見
名姓終慙薄世嫌

十五咸

顆顆驪珠月欲函洛陽歸去寄松杉幽花不作凌霜色
萬古香風自一巖

瞻堂詩集卷二十

番禺天然昰禪師著

書記今毬編

雪詩

五言律

一東

二月嶺南雪梨花間雪中影浮難似月力弱不關風片
上青衫色繁飄白浪空千峯今夜夢迢遞濕歸鴻

二冬

春泥看易盡空谷自爲容覆葉深藏鳥繁花不惹蜂暖

沈朝市影凍塞虎狼蹤漸見蓬蒿滿川原何處逢

三江

停舟烟樹白沽酒對寒江古驛無嘶馬孤村有吠龍近
墳埋土壘遠火暗山窓誰復能同此棲蘆雁一雙

四支

龍山驚險峻雲路慎擠推壓顛愁地軸飄落念天涯低
易填溝壑高多折幹枝看窮殘臘景茅屋欲深移

五微

陰景去何促陽和轉尚微若將虛夜色無復擬朝暉熱
處終難待寒中初易違且尋峯頂侶雲霧共相依

六魚

却似雲中日朦朧曙色初耐寒興獨早愛暖步還紆節
嶺樹邊犢迷江榜上魚何人重回首淒斷老樵漁

七虞

彌天光共滿薄景照偏殊關塞愁征戍屋廬淒腐儒濕
吹連曉角寒斷一冬鬚莫以千峯色都同暗夜珠

八齊

峯峻疑懸布玲瓏逼漢低徘徊驚曉鶴呢啞誤宵雞竹
摧陰壑影猿斷北山啼沃土候春暖攜鉏分夜畦

九佳

啓戶皚皚積觀林密密排冥茫應自合緯繡不成垂帶
露胎春雨連雲澤凍茲氛埃消欲盡冷艷此時諧

十灰

高低看落處淅瀝竟何來積坎非邀厚知危不受摧借
暉分鷺翅倚素入瓊杯千里何辭遠層巒夕曜開

十一真

暖席不堪近寒溪好作鄰豈嫌青草陌欲傍白頭人
霧迷深谷乘風度遠津年年似荒月來照不萌春

十二文

陰結先成霰蕭蕭自遠聞入山青易見到水白難分惜

暗夜籠月停光晝薄雲晴簷漸欲滴宿鳥啄微昕

十三元

寒波汎不極瓊路易迷源積曜夕沈壑微光曉在門遮
空時欲下舞屑忽成繁深谷無炎熱屑冰豈自存

十四寒

一夜鳥飛絕千峯影到欄莫將銀世界空作月明看對
爾皆憐白何人不畏寒浮雲滿原隰遮莫悔衣單

十五刪

朔風不到海寒氣早歸山玉露當秋委瓊花向暮爛潔
堪窺漢淨輕得御雲間幽望成何似臯禽斷續還

一先

通隴光囑地浩蕩渺連天照豈分高下汗從落市塵年
華休見晚曉氣欲爭先不待陽和動微風散玉泉

二簫

慘冽紛晨影凝華凍晚颼連光搖暖幌含曜落寒潮不
借投虛隙何勞映碧霄一回幽對暇寥廓靜塵囂

三肴

薄照掩寒日漁舟凍欲膠大江沈遠岫枯樹覆空巢颼
鼠歸無路雲僧蓋有茅莫愁紛糅下千地一深坳

四豪

砌上埋黃葉雲中揮白毫落餅珠夢細籠樹玉山高未
暇裁寒練何曾失寶刀飄零愁背日迴照莫成勞

五歌

枯涸逢人少荒茫失路多泥塗鋪紵練珠玉委江河染
亦因風力光疑入鏡魔無心信芳潔寥落夜如何

六麻

巖巖隨遠近須到野人家拂岫迷青黛迴江走白沙漣
渢投闊直迂曲入欹斜巧拙無藏處空山對落花

七陽

一宵星月落萬戶暗扶桑鳳閣浮香粉華山起白羊路

岐增浩歎雲合漫飛揚瑣散成朝暮河山空濛眇

八庚

閨風連夜發綏颯到平明狡獸雲間斃飛禽海上驚寒
威驅霧翳霽色帶霜清菴裏復何事危襟坐五更

九青

錯落空中映蕭疎象外泠溪清不可見雲暗欲全醒坐
對無昏晝行吟過戶庭烟深孤鶴影寂莫擬身形

十蒸

萬頃看同縞憑雲降復升到江知是水近日不成冰花
落疑春妒光流向夕澄江寒人欲暮曷皓自千層

十一尤

素質輕如羽悠悠經暮秋投窓空見影積石暗聞流擬
作瓊瑤跡翻憐溟渤漚連天捲山霧迢望轉成愁

十二侵

千株開照曜一夜滿庭陰擬散雲霄上寧愁溟壑深夏
凌堪鎮嶽春水欲鳴琴潏沚思林澤魚龍未易尋

十三覃

浩渺成高厚冰壺秋水涵蘚苔低見覆梅李側多慙去
雁迷烟渚餓鳥啄草菴繁絲停暮色鬚髮入寒潭

十四鹽

玉塵連朔漠飛墮水中鹽萬竈無烟火千峯入素練樹
寒鶯語怯石凍梨花淹倒照雲中色晶晶對夕檐

十五咸

一天冥海嶽萬岫失松杉極目空中素迴頭人倚巖壓
沈雲外路微濺石邊函渺渺開襟處春融見遠緘

七言律

一東

陰陽凝散碧烟中飄落何勞問異同飛絮隨風空自白
寒爐終夜爲誰紅深山擁被憐東郭野店憑鞍笑謝公
凍殺亦饒清氣在人間天上一無窮

二冬

憑軒迢望欲攜筇
濯濯江山千里從
白盡不曾誇素色
晴來猶自覆青松
暖消石室一杯茗
寒入峯林幾夜鐘
試問重裘驢背上
護生隄畔肯從容

三江

紛紛裂素映山窓
萬壑千巖色盡降
轉霧驚風朝不避
輕雲蔽月夜無雙
愛同野鶴投高樹
不畏飄蓬入大江
一種紫光隨去住
枉教人自對寒缸

四支

永夜沈沈聞折枝
空山如在百重圍
佛燈初暗紙窓白

香篆將殘磨衲知十里江樓寒吹蚤孤舟沙岸苦吟遲
因茲憶起平生事萬慮消停鬢已絲

五微

天南漠北雨霏霏誰掩峯頭明月扉祇爲縈空慙夕照
却憐落樹似花飛板橋風捲馬蹄滑江樹雲繁驛路微
看到晴巒春漸去鄉關何處待人歸

六魚

寂寞何人映讀書窮簷衣薄逼年除幾多陽豔寒中過
豈有光華霽後舒撒空未許隨風盡含影還堪礙月初
回首莫愁雲路隔白茫茫處是吾廬

七虞

藹藹浮浮散五湖寒庭孤嶼惜驪珠
傷巖妃子元名宓
仗節孤臣本姓蘇澹若肌膚疑玉粲
皓然鬚髮蘸冰壺
飄飄更有迴風處淺渚荒原照碧蘆

八齊

河梁匹馬晚淒淒奕奕浮光拂樹低
驛舍官梅花濺路
酒樓衰柳客如泥雲連古岸沈牛跡
影隔千峯無鳥啼
空濛上下知何極谷口聞鐘野寺迷

九佳

霏微暮色鎖清齋久住峯頭路不埋
愧倚晨曦北自滿

更嫌晚彩影誰諸龍泉暗溜千行石牛火頻燒品字柴
寒徹始知魂夢隔何人吟望在天涯

十灰

同雲徧野朔風催萬頃晴光一夕迴慘愴莫愁寒日處
通牖只在暝烟堆坐久不禁成獨往夜深常覺有人來
春明未必能相似誰遣繁花寂寞開

十一真

積照微茫絕四鄰望中誰是陌頭人落花滿院疑無樹
拂草連天暗度春一室冰稜應自惜萬峯珠錯豈全貧
分明共對羲軒上更待晴暉恐未真

十二文

寒風超忽白紛紛兩岸瓊崖一水分
晝裏合離難著素空中興滅不成文
影沈池上千重玉光覆樓頭六出雲
便向歌筵分酒力容華銷盡到斜曛

十三元

萬樹梨花暗寺門愁雲冉冉滴寒原
今年到地未盈尺幾日遮天長似昏
近水無聲空入澗遠峯不見却聞猿
淒清共是此時節猶憶匡山五里村

十四寒

蒼茫江霧濕征冠萬井蕭條行路難
黃竹有歌愁未玉

華門無路臥袁安
梅逐餘香須早落
羽慙輕質不勝寒
雲中信有凝春樹
向日微微出石欄

十五刪

散漫川原自雪山
龍沙迢遞雁門關
千林玉樹三春失
萬頃瓊田一鑊閒
銀象難藏身外影
素娥不耐月中顏
誰云埋沒河山上
指點樓臺落照間

一先

幽靜多懷對遠天
飄零猶自憶前年
潔清亦許隨芳穢
流亂何從數後先
幾家依樹籠芳月
一雁迷烟下暮田
已覺光芒疑夢裏
泠泠石澗水流邊

二簫

衡陽委絕白迢迢衰柳荒原朔氣驕自有流光遲曙色
却無形影到春潮縈迴古渡愁歸客蕭索空山泣去樵
風景依稀還世外人間何事苦招搖

三肴

繽紛繁鷺沒空郊獨向層峯伴鶴巢活水滿煎三峽茗
斷松斜壓一間茅龍潛大澤寒猶蝨虎踞深林凍不哮
掩戶且高殘臘枕漆瓢腰繫萬年梢

四豪

糝粉輕飛二月高撲空如湧海雲濤瑕銷白壁全欺趙

色凝麻衣却笑曹不薄青蘿凝夏谷定飄紈扇濕春袍
暖堂何似寒巖迥夜夜風簷映玉毫

五歌

浩蕩乾坤平布澤霏微物象自婆娑蘆邊立鶴朝曦亂
樹裏藏鴉夜色多入地定能銷碧血彌天已見倒銀河
南洲到海猶炎熱坐對泠然發浩歌

六麻

飄搖綈帶總隨車隔絕門庭入徑斜透隙却疑搜鼠兔
翻空真似攪龍蛇池中有水偏投影石上無根亦著花
瑰屑不堪寒到眼縱橫難掩碧籠紗

七陽

白霓遠近啓山堂欲濯塵氛淨上方江浪到天應浸日
瓊花著地不聞香千峯倒影入寒瓣萬屋平漫汎夕陽
借問年華真箇晚細看春色動遐荒

八庚

雲外何因見素情玉塵風滿澹然生寒絃人向深堂調
凍屐誰同傍石行望遙天末山應在踏近溪邊水更清
勝事大都成寂寞兔園空有惠連名

九青

白練千條入鏡清輕繁欲向夜窓聽憑高且遜峯出

就下還尋絕壑停華表鶴翎迷舊郭豐城龍劍_此新硎
攢天一倍臨風急却似彷徨廣漠庭

十蒸

濛濛萬象獨憑陵何物光芒積素凝面目冷然遺草澤
肝腸如見托峻嶒若爲熱處偏成水不耐寒多竟作冰
自是野人茅舍穩斷橋孤岫一枝藤

十一尤

臘窮泉涸絕溪流河海雲生杲日收一夜似風吹敗葉
五更疑月滿層樓却回寒燄榮幽桂豈爲凋林感暮秋
遇物淪形歸大冶高低平汎曲江頭

十二侵

重輪掩抑晝沈沈
顧影難爲薄曙襟
世上相尋皆桂苑
人間何處有山陰
去留不是迷源客
深淺誰論將策心
看嶽共驚雲勢湧
低空不覺夜堂深

十三覃

委積徘徊散薄曇
先春有信到江南
常行淺砌猶疑別
欲過前山祇自諳
當晝連烟昏遠樹
無燈通夕曉寒龕
但知掩日韜霞意
始覺幽暉萬景含

十四鹽

萬丈烟波撲鉅炎
名模鏐盡絕廉纖
無端虛室能生白

誰向空中擬撒鹽芳潔逾慙高士愛嚴寒不畏世嫌
一從凋落黃花後夜夜峯頭寫素縑

十五咸

誰鞭天外白珂銜勢盡雲駒萬里颿欲湧波濤翻日月
不留蒼翠覆松杉食餘藥嶺千牛草寒有青州一布衫
莫笑繁絲倚枯木衰顏窮望上江帆

五言絕句

一東

細看重雲裏分明不是空夕寒光獨遠憑化委長風

二冬

春色在寥廓沈烟蘸玉容縞衣輕似舞乘夜上高峯

三江

愛松埋鶴影背月照寒牕最是無人處生憎嗥夜尨

四支

玉塵散林薄半上古松枝枝壓愁將折塵宵曾幾時

五微

千峯一夜白先照野人扉似月望高樹澄澄濕衲衣

六魚

皎潔侵寒陌雰霏二月初梨花香未散隨影落吾廬

七虞

因風消蠟炬無影落澄湖寒熱一時盡清輝何處殊
八齊

淪淪連夜動起舞似聞雞冰合知寒極瓊花踏作泥
九佳

白髮鏡中落真同近暮懷但知寒色迥隨處得生涯
十灰

雲裏望何極紛紛撲素埃江山同一色不見雁飛回
十一真

雲暗非關暮花飄豈是春晴光應十丈不爲住山人

十二文

濯濯霓裳濕何人倚白雲莫將雲裏影空向陌頭分

十三元

浩渺疑空劫罪微向暮原思歸歸不得洞口已迷源

十四寒

嚴威生大漠萬甲擁雲寒何處刀砧急朦朧向夕攢

十五刪

落樹烏成白催人鬢欲斑輕質何曾定浮沈烟雨間

一先

迢遞長征路徬徨欲曙天最憐清素影撲落馬蹄前

二簫

山光不是曉半夜過危橋一似聞生客千峯失寂寥

三肴

狂吟月下客門外任推敲深夜寒侵榻誰憐樹上巢

四豪

鳥絕山霧起日沈雲影高微風吹玉屑不上懶攢袍

五歌

三聲溪路絕一壑同雲多寒光幽處近形影托青蘿

六麻

堦砌葉初上雲山路轉賒掃門殘影亂千里望貧家

七陽

枯根覆已盡殘夜滴寒塘人在空山裏山空人影長

八庚

日落山路合林寒霽色明梁園人盡醉那識此時情

九青

帶寒汲遠澗片片落雲甌水凍還成片何勞烟霧停

十蒸

陰風吹白羽皎皎雲中澄誰謂終非水人言不是冰

十一尤

終歲滿林白重烟隔上頭定教寒裏見不遣入春流

十二侵

瓊花散丹石掩映臨江陰誰知枯落後更有白雲深

十三覃

倚樹繁衣袖流光向夕含何人能到此撥火共癡憨

十四鹽

不分光浮地還函明鏡奩寒輝殊未減春色夢中兼

十五咸

帶雨瀟瀟下江寒落遠帆峯頭一回望望久沒松杉

七言絕句

一東

灑盡平原萬里空橫江沙捲馬頭風寒雲已沒斜西照

更勒金羈却向東

二冬

欲向冰霜慕遠踪
藍關何惜馬蹄封
已甘朽骨埋江瘴
猶恨秦雲千萬重

三江

乘風昨夜扣山窓
慙愧華亭尚隔江
莫道驪珠容易見
垂龍左耳割難降

四支

漠漠同雲向夕垂
千門萬戶鎖寒炊
落花一片能潛化
何況芳林絕路岐

五微

堆壓橫橋山徑微寒林霽色一僧歸閒殺五陵貴公子
醉騎白馬去如飛

六魚

鴻飛不到百情疎阻闊江山烟霧餘飄落盡歸寒沒處
暮林空見野人廬

七虞

松根一夜撥紅爐燒盡秦灰入玉壺萬古江山只若此
瓊樓歌暖漫呼盧

八齊

崩騰未可凌高嶽
繚繞還堪隱別蹊
一望風烟迷古洞
長安爭似晚峯西

九佳

平沈山嶽影參差
深夜同誰步玉街
萬丈光寒看璨瑳
回頭人自隔天涯

十灰

誰催千里集瑤臺
朔氣蕭蕭映玉杯
銷盡豈如隨霧轉
有時飄墜碧崔嵬

十一真

皎皎輕飄桂葉春
影娥池畔趁芳辰
凌空更上無棲處

却笑人間醉玉塵

十二文

日暮驚沙薄楚雲雲中江樹影紛紛香爐飛瀑三千尺
猶較衡陽白雁羣

十三元

黃雲白日暗寒原鴻雁無聲度塞垣自古客行愁道遠
紛紛薄木鎖侯門

十四寒

千騎獵馬出樓闌不見飛禽落日寒風起平沙天路白
角聲吹入朔雲團

十五刪

莫愁殘臘滿頭斑
絳色偏能駐老顏
更有銷寒誇玉馬
定教丹石勝常山

一先

新住寒山綠玉川
連光曉映卜豐年
已堆萬戶千重壁
誰靳沿門一箇錢

二簫

篩空萬里不封條
未到春林慄氣銷
誰道凝陰能掩素
瑤花偏逐朔風飄

三肴

千山寒落蔭重茅擬作明珠悞水泡一任曉風驚復息
不教殘凍挂空梢

四豪

練絲千縷何勞泣達路茫茫真欲號拚教寂寞山頭望
不是楊雄誰載醪

五歌

眼前浩潔凌晨早傾耳希聲清夜多漸入春郊花氣暖
寒庭誰解泣銅駝

六麻

破衲蒙頭老歲華寒深時亦動長嗟古來甲子朝門外

亦有幽蘭哀日斜

七陽

寢跡窮年樂未央
萬山璀璨引風長
聽殘簷溜添寒絮
不臥仙人白玉牀

八庚

凜栗忽驚溪路明
峩峩千里共雲平
藐姑山裏知何似
寒夜相逢莫問名

九青

白盡千峯峯頂青
空濛之內有人醒
寒飈忽起從空下
不信瑤華滿夜庭

十蒸

因高纍仞看容易
息影憑空力不勝
荒月自來還自去
更無人待碧崢嶸

十一尤

琉璃殿裏汎虛舟
光湧層波天際浮
深夜冷然照牆壁
忽疑身在碧雲頭

十二侵

寒飄玉蘂散高林
弱木頽枝凍已深
更向陌頭雲裏望
豈堪淒切暮猿心

十三覃

環丘山上覆冰蠶作繭絲成五彩函若使海人獻巢許
不將霜質伴華簪

十四鹽

遙空直下水晶簾照見鮫人夜織縑無端一陣寒風急
吹落紈絲散作鹽

十五咸

棲老雲中碧玉巖經春猶自托松杉人間未必能知此
遮莫臨風寄素緘

[illegible]

重刊長慶語錄

晴堂
千山

詩集捐資列

華首臺常住

肆員

麗泉

貳員

月印

貳員

拙峯

貳員

展文

貳員

靈鷲

貳員

服膺

貳員

靜基

貳員

謙受

壹員

允受

壹員

寶池

壹員

宏燦

壹員

秉受

壹員

證禪

壹員

乾床

壹員

淡緣

壹員

翼成

壹員

慧通

壹員

平矩

壹員

守常

壹員

海雲常住

陸員

自航

貳員

祖印

陸員

展祥

貳員

同真

貳員

奇觀

貳員

省來

伍員

瑩徹

壹兩

承至

壹員

積良 貳員

卓悟 陸員

玉光 貳員

仁端 貳員

原今 壹員

福遲 肆員

知方 貳員

沾潤 貳員

俊章 壹員

湜池 貳員

湛愉 壹員

暢開 壹員

驚階 壹員

懷貞 壹員

彌深 壹員

沛毓 壹員

宇量 貳員

培芳 壹員

巨量 壹員

蔭慈 壹員

志安 壹員

漢登 壹員

喻鏡 壹員

潔舟 壹員

稟讓 壹員

蹈通 壹員

禮空 壹員

立權 壹員

晃昭 壹員

果乘 壹員

肇林 壹員

海幢常任 貳拾兩

瑜山 肆員

恆信 貳員

照中 貳員

純謙 肆員

奕中 貳員

渡津 貳員

元珠 貳員

爾勤 肆員

二嚴 陸員

戒珠 貳員

迪昌 貳員

接航 壹員

宜章 貳員

靈苗 肆員

敏學 貳員

叢靈 叁員

順航 壹員

序經 肆員

悅仁 壹員

崑石 壹員

遜怡 壹員

俊舒 壹員

曇樹 貳員

倬掄 貳員

銓誠 貳員

石根 貳員

穎勤 肆員

親潔 陸員

澤念 壹員

喜成 貳員

培之 壹員

瑾瑩 壹員

彥之 貳員

惺勤 貳員

悟非 壹員

榮芳 壹員

務間 壹員

允存 壹員

良欣 壹員

茂莠 壹員

守初 壹員

滙渠 壹員

寬行 貳員

捐修藏經餘銀壹拾壹兩叁錢伍分

大佛常住 拾大員

慧鑑 肆員

若蓮 拾兩

純寬 貳員

逸龍 貳員

忍微 肆員

建庸 貳員

奮進 壹員

勉之 肆員

明初 壹員

容與 壹員

聖傳 貳員

兆昌 壹員

遠齡 壹員

曙臨 壹員

景蕃 壹員

恂齡 貳員

超岍 壹員

衍琮 壹員

堅遜 貳員

英霖 壹員

祺秋 貳員

樾齡 壹員

銘刪 壹員

